



REPUBLIKA E SHQIPËRISË
ZYRA E PROKURORIT TË PËRGJITHSHËM
DREJTORIA E HETIMIT

Nr. 2448 Prot.

Tirane me 21.10.2003

LËNDA : Sqarime lidhur me zbatimin e nenit 3 te Kodit Penal

PROKURORISË PRANË GJYKATËS USHTARAKE

PROKURORISË PRANË GJYKATËS USHTARAKE TE APELIT

TIRANE

Mbi bazën e kërkesës së bërë, nga Prokuroria pranë Gjykatës Ushtarake Korçë, për zbatimin e nenit 3 te Kodit Penal ne lidhje me ligjin e ri "Për shërbimin e detyrueshëm ushtarak në Republikën e Shqipërisë", ju sqarojmë se ;

Ligji i mëparshëm Nr. 7978, Dt. 26. 07.1995, "Për forcat e Armatosura në Republikën e Shqipërisë", në nenin 45, parashikonte si kundravajtje administrative, kur shtetasi nuk i përgjigjej thirrjes për kryerjen e shërbimit ushtarak, duke u gjobitur me 1000 lekë për çdo ditë mosparaqitje, ndërsa si vepër penale, në rastet kur shtetasi shmangej nga thirrja për 15 ditë dhe ndaj tij ishin aplikuar gjobat rregullisht. Pra, shtetasit i bëhej nga qendra e rekrutim - mobilizimit **vetëm një lajmërim** me fletëthirrje për kryerjen e shërbimit të detyrueshëm ushtarak aktiv, dhe ai i shmanget thirrjes për 15 ditë me radhë, me mosparaqitje.

Me Ligjin e ri, Nr. 9047, Dt. 10.07.2003, "Për shërbimin e detyrueshëm ushtarak në Republikën e Shqipërisë", është bërë më i qartë dallimi ndërmjet kundravajtjes administrative nga ajo penale. Kështu, në nenin 40, parashikohet si kundravajtje administrative dhe dënohet me gjobë, kur shtetasi me anë të shmangies nuk i përgjigjet **fletëthirrjes së parë** për mobilizim për kryerjen e shërbimit të detyrueshëm ushtarak. Në rastet kur ata i shmangen për të dytën herë, thirrjes me fletëthirrjen e dytë, me shumë se një herë, kemi të konsumuar

kundravajtjen penale ushtarake të parashikuar nga neni 16 i K.P.Ushtarak. Pra, ligji i ri kërkon përsëritjen e thirrjes me fletëthirrje, që organi përkatës duhet t'i ketë drejtuar shtetasit për të kryer shërbimin e detyrueshëm ushtarak.

Për sa sipër, fuqia prapavepruese e ligjit të ri për rastet në shqyrtim, duhet marrë detyrimisht parasysh, mbasi ligji i ri është në favor të të akuzuarve e për rrjedhojë prokurori duhet të dali me vendim të arsyetuar për çështjet që ka në hetim apo gjykim.

PROKURORI I PERGJITHSHEM

THEODHORI SOLLAKU



